

الرشاد

س ٦ ١ ٣ ٣ ٠ ١ ٣ ٣ ٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اريب

عدد ٣١ - ٢١٣ ٢٢ شوال ١٣٣٠ پجشنبه ٢٠ ايلول ١٣٢٨ جلد ٢ - ٩

قرمزی، ماوی، یشیل و یا خود صاری بر لون عرض ایدنلرده بولندینی باقتریبولوزی اربابنک بیاناتندن آکلاشیلور.

مبقربلرک بنیسی. — باقتریلرده سائر حیارات نباتیه کبی خارجاً بر غشاء ابله مظروف بر طاقم حیره لردن عبارتدرنر.

بعضیلرنده بو خارجی ظرف شیشه رک عادتاً بر طبقه هلامیه تشکیل ایدرکه او وقت بوکا زوئوغل (zooglé) نامی وریلیر.

خارجاً بو صورتله برغشاء ابله مستور اولان باقتری حیره سنک داخلی حبوی نسجه ماده مصوره اولی (پروتوبلازما protoplasma) دنیان ماده دن عبارت اولوب بونک قسم مرکزیسنده ده بک نادر اوله رق (نوه) مشاهده اولنقدده ر.

بروتوبلازمایی احاطه ایدن غشائک اکثریا سللوزدن مرکب بولندینی ارباب فن طرفندن بیان ایدلمکده در.

باقتریلرک مرکبی. — باقتریلرندن بعضیلری بر حرکت مخصوصه اظهار ایدیورلر. خرده ینله معاینه ایدیلرک میقروبلرک بوحر کتلیری مشاهده ایتک قابلدر.

(شکل ۷) ده کورولدیکی وجهله اهداب متهززه به مالک اولان میقروبلر بوسایده تبدیل محل ایده بیلیمکده درلر. اهداب متهززه دن محروم اولان میقروبلرده ایسه حرکت اثری مشاهده اولنه من.

بعض میقروبلرک حرکت ایتدکلیری مشاهده ایدن طبیعیدن بعض ذوات بولری زمره حیوانیه میانته ادخال ایتک ایسته مشلر سه ده بوخصوصه یا ککشلردر. چونکه باقتریلرک عمومیتله اشفیه صنفه مذسوب نباتاتندن بولندقلری قطعاً آکلاشلمشدر. باقتریلرندن بعضیلرینک حرکت ایده بیسلملری مجهز اولدقلری اهداب متهززه سایه سنده وقوعه کلمکده در.

مدالی: م. شمس الدین

شکلی

افغانستانه

امیر عبدالرحمن خان

« مابعد »

بو صیراده بکلر وسرکرده لردن « آرزو کزه امتشالاً تهباتده بولونداق، طرفکزه نقد اولارق اوج یوز بیک روپیه کونده ردک. بزى، دشمن خارجیک الندن قورتارمه جفکزه بناء سزه علی قدر الامکان امداد ومعاونتدن کری طور مایاجنز. لازم اولدینی تقدیرده تکرار بارده یوللایاجنز » دییه جوابلر کلدی.

(خان آباد) قلعه سیله مواقع سائرده ارزاق ادخار ایتمه لرینه دائر امر ویردم. اسحق خانده « اون ایکی بیک دموه کونده ردک والورسه کز ذخیره یوکه توب اعاده ایدم جکم » مألنده بر مکتوب

یازدم. بو ائشاده تاشغرغان اهایلسندن (یار محمد خان) نامنده بر تاجر، نزدمه کلوب بعض هدایا تقدیم ایتدی. بو قدر اهالی ایچندن بر شحصک چیقوب ده بکا هدیه کتیرمه سنه تعجب ایلده دم. فقط چوق کچمه دن آکلادم که سابق بلخ والیسی (لوی تاب) خزینه دولتن درت بیک روس آلتونی، اون بیک بخارا آلتونی، آلتمش بیک کابل روپیه سی وهری یوز روپیه قیمتنده ایکی بیک ورقه نقدیه آشیرمش، بر قاج بیک اشرفی آلتونیه له بو شخصه امانت براقش، اوده مسألینی بکا آکلامق ایچین قالقوب یانمه ککش.

غلام (فرامرزی) — که شیمدی هرات سیه سالاریدر — موما. الیه ترفیق ایدرک تاشغرغانه کونده ردم. فرامرزی، کیدوب او پاره لری کتیردی.

ایرته سی کونی، نوروزک ایلکی ایدی. امیر شیر علی خان زماننده تورکمنلر طرفندن اسیر ایدیلش آلتی بیک افغان قادین وقیزینک تبرک آزاد وتعلقانلرینه تسلیم اولونمالرینی امر ایلده دم.

میر بابا خان، بو حکمی اجرا ایتیه رک بنم مرخصلری حبسه آتمش و:

— شیمدی لک بو عاجز قادینلرک اطلاقدده مسامحه ایده رسه ک عبدالرحمان خان، یاقیننده انکیزلره آجاجنی حریده اولیه صیقیتیلره اوغرا یاجق که بونلر خاطرینه بیله کله به جک! دیش. حتی بو خصوصه اصرار ایدن مرخصلرمدن بر قاجنی اعدام ایتمش. ایچلرندن بری، کندی نهره آتوب بوغولدی ظن ایتدیرمک صورتیه حیاتی قورتارمش. بعده درویش قیاقتنه کیروب طاینمه قسزین یانمه قدر کله یلمش.

بوخیجه بی خبر آلدیغ کبی فنا حالده متأثر اولدم. درحال میربابا ایله مشاورلرینی حبس ایتدیروب فیض آباد حکومتیه (میرمحمد عمری)، (رستاق) حکومتیه ده برادرینی کچیردم واسیره لری بالاطلاق عالمه لری نزدینه یوالادیم کبی حرمک (شغنان) ده محبوس بولنان برادرلرینی ده قورتاروب ملتیه شوقدر بر خدمنده بولونمایه موفق اولدینمندن جناب حقه شکر ایتدم.

ایرته سی کون (قندوز) واصل اولدم. اوراده کی عسکر، ورودم اوزهرینه یوز بر پاره طوب آتمق صورتیه مراسم اجرا ایتدیلر وکلشمدن فوق العاده مسرور اولدیلر.

محضاً بنی ممنون ایتک املیه — اولجه علیمه بولونمش اولان — امرادن ایکی یوزنی حضورمه کتیروب قتلیری ایچین اذن ایسته دیلر، مطلوبلرینه رضا کوسته رمه دیکم کبی او آدملیری تحلیه ایتدیردم.

برکون صوکراده طوبیحیلرک رسمی کچیدینی سیر ایدیوردم که بری کلدی، سلام ویردکن صوکر ایاقلمه قاپاندی. متعجبانه قالدیردم. باقدم که (ناظر حیدر) ک اوغلی (محمد سرور خان) ایش که سمرقنده ایکن بنی بر اقوب کیتمشدی. مشارالیه کلمات اعتذارینی دیکله دکن صوکر ا:

(۵) انکلتزه دولتی بکا و مملکتک اها لیسنه نه یوله منفعت تأمین

ایده جکدر ؟

(۶) بومنافع مقابله نه کبی خدمت بکله به جکدر ؟

بر معاهده نامه تنظیمی ایچون بوسؤالارک جوانی ملتیه ویرمک ،
رأی موافقتلرخی استحصال ای . مک لازمدر . شوشرطله بر معاهده نامه
تنظیم ایله جک اولورسه بن و ملتیم برکون متفقاً انکلتزه دولتنه
خدمت ایله به بیله جکمزای الطاف الهیه دن امید ایدهرم .

مترجمی

طاهر المولوی

قیلیج دینی

ماقالی

مابعد

حالبوکه (یوحنا - ه فانوس) ک دوره حکومتک نصف اخینده
بوسبوتون باشقه برحاله تصادف ایدپورز . یهودیلر الی سنه لک بر مجادله
منادیه دن صوکره ساده جه بر هیئت فنیه حالندن یکدین بر هیئت ملیه شکله
کیره ک ارض مقدسک حدود قدیمه سنه تکرار صاحب اولور ؛ دینیله بیلیرکه
بو حکمدارک تحت اداره سنده عادتاً حضرت داوود و سلیمان دورنده ک شوکت
و سعادتک اکتساب ایشلردی . بوموقیات ایسه قسماً احوال و زمانک تصادفات
خصوصیه سنه استاد ایشکدن خالی دکلدی . آنجیق اولو استقلال دینی ،
صوکره استقلال سیاسینی قازانمش اولان بو اسرائیلیون هیئت محدوده
دینیه سنک شجاعت و ثباتی هر درلو تحب و تقدیراته کسب لیاقت ایشدر .
(هیر فانوس) قبل المیلاد (۱۰۵) تاریخنده و ۳۱ نجی سنه سلطنتنده
وفات ایتدی ؛ یرینه اوغلی (آریستوبولوس) قائم اولدی . بو آدمک مدت
حکومتی قیصه اولغله برابر بر جوق فنانلر یاپایلمک ایچین کفایت ایشدر ؛
مثلاً : والده سنی زندانه آتمش ، آچلقدن اولدیرمش دی . برادرلردن
اوچی ده زندانه قونیلوب بری سرای دهلیزنده قتل اولمش دی ؛ (آریستو-
بولوس) یابدینی خونریزیه لردن متأثر اولار ق آغزندن قان قوشمش ، قان دولو
لکئی کوتورن خدمتچی دهلیزده برادرینک تام قتل اولدینی نقطه ده آگاهی
طاقیلوب دوشدیکندن ایکی برادرک قانی یکدیگرینه قاریشمشدر ؛ بو حال
سرای خلقنک فریاد تأثیریه حکمدار طرفندن استخبار اولنجه اولیه مدھش
بر عذاب وجدانی به طوکلش درکه : هان اوراده ترک حیات ایشدر .
مرقوم آنجیق برسنه حکومت ایتدی . ژوزه فوسک ۱۳ نجی کتایبده
دینیلیرکه : « ایما خطه سنک بو بوک قحنی یهودیه دیارینه الحاق واهالیسنی
نی و تنکیل تهیددی آلتنده خناتی وسائر مراسم دینی یهودیه ی قبوله اجبار
ایشدر ... »

بو حکمداری تعقیب ایدن برادر دی (اسکندر یانوس) ده تخته چیقجه
کوچوک قردشنی قتل ایلیمش دی . (غزه) شهرینی محاصره ایتدی .
شهر عرض تسلیمیت ایدنجه بجی اسرائیل حکمداری عسکرینی غارت خصوصنده
سربست بر اقدیفندن « مدھش بر هجوم واقع اولدی ... » (اسکندر
یانوس) شهر یی باشند باشه یاقوب ییقمش و برخابه حالنده ترک ایلیمشدر .
حکومتک ۱۸ نجی سنه سنده (احتمال قبل المیلاد ۸۶) « اسکندر ،
تبعه سی طرفندن بیت المقدس ده پک فئار تحقیره دوچار اولدی . « Tabernacle
یعنی (منسال) بایرامنده یهودیلر عادتلی اوزره آلمنده طاشیدقنلری
جچکلر دن آکا آتوب کندیشنی « کوله » وسائر بوکی مناسبتر عنوانلره
یاد ایتدیلر . مومی الیه بوندن زیاده مهور اولوب کندیشه معارض بولان

تبعه سنندن ۶۰۰۰ کیشینی قتل ایتدیردی . [۱]
اسکندر عربلری مغلوب (مؤابی) لر ایله (غلادی) لری خراجگذار
و (آماتوس) ی تخریب ایتدی . یالکنز بر آره لقی عربستان حکمداری
(عبید) طرفندن مغلوب ایدیلوب مشکلات عظیمه ایله قدسه عودت ایتدی .
بو حال (فریسی) لر طرفندن چیقاریلان و آلتی سنه دوام ایدن بر عصیان
تعقیب ایله یوب بویله جه ۵۰۰۰۰ یهودی محو و اعدام اولندی . [فریسی لره
عربلر « ربانیین » دیرلر . مخالف فرقه لری « صدوق » یعنی « قرائین » در] .
اسکندر اولو مظهر مظفریت اولمش ایدی ، لکن عاصیلر موخرأ
سوریه حکمداری (دیمتریوس) دن امداد آلدقنلردن داغله التجا ایتدی ؛
آنجیق حسیات ملیه ک بر انقلاب ناکه یاسینی نتیجه سنده ملت آنک طرفنه
دوندیکندن (دیمتریوس) مجبور رجعت ایدمش ، تکرار مملکته صاحب
اولان (اسکندر یانوس) مظفرأ واسیر آلدینی رؤسای اختلاسیون ایله
قدسه یورومشدر . « حکمدار قدسه ده بولاره پک مدھش طلدر یابدی .
نظارت واسعه سی اولان بر قورلده او طه لقا رینه بر ضیافت ترتیب ایدوب
حضارک اکلنمه سی ایچین هم مذهبی ، تبعه سی اولان سکیز یوز یهودینک
چارمیخه کریمه سنی و عینی زمانده هپسنک اولاد و عیالک بوغازلاماسنی روا
کوردی . »

اسکندر صوک زمانلرده عیش و عشرته دلش اولدیفندن خسته لایوب
یکرمی یدنجی سال حکومت و فرق دو قوزنجی سنه حیاتنده وفات ایتدی .
یرینه زوجه سی آکسندر کچدی ، بولکده وفاتنده محاربات داخلیه
تکرار میدان چقدی .

منوره نک ایکی اوغلی ، هیر فانوس ایله آریستوبولوس تاج و تخت و غاسنه
دوشمش لردی (قبل المیلاد ۶۳)

آریستوبولوس مغلوب اولوب قدسه فرار ایتدی . قردشی آتی بوراده
محاصره ایتدی . محاصره اثناسنده هیر فانوس ک طرفدارلری عونیس
اسنده ارباب ورع و تقوا : ن بر اختیار ذاته آریستوبولوس علیه ده وعظ و نصیحتده
بولماسنی رجا ایتدیلر . اختیار تردد ایدیوردی . لکن متعدد دفعه لر اصرار
ایدلیدیکندن اها لک اوره هنده دورهرق دیدی که : « ای قادر مطلق اولان
حکمدار لر حکمداری ، که خادمین دینی معبد مقدسه شیمدی محصور بولنیورلر !
سکا استرحام ایدرز که : هرایکی طرف مخاصمیندن هانکیسی یکدیگرینک
محمیتی ایسته یور ایسه آنک عاسی عند ربانیکده قبول اولماسین ! .. »
عونیاسی بونی سویلر سویله من بر طاقم یهودیلر اوزرینه هجوم ایدوب طاشلر
آهرق اولدیردیلر [ژوزه فوس - ۱۳ نجی کتاب - ۲۲ نجی باب] .

ایکی قردشک آره سنده ک مجادله نک حل ایچین روماجترالی (پومپی) ه
مراجعت اولندی . بومراجعتک نتیجه سی اوله رق پومپی یهودیه خطه سنه
براردو صوهرق قدسی ضبط ایتدی ، روما حکومتنه ربط ایلدی . آریستو-
بولوس اسیر صفتیه رومایه کوتورولوب قیصرک رومایه حاکم اولدینی وقته
قدر اوراده قالدی . قیصری موقع اقتداره کلنجه آکا سربستسینی اعاده
وایکی لژیون (آلائی - فرقه) روما عسکرکی ترفیق ایدوب سوریه قطعه سنی
تحت اطاعتده طومتق اوزره کوندردی . لکن (پومپی) ک طرفدارلری
پک آز صوکره مرقوی زهله یه رک اولدیردیلر . بویله جه هیر فانوس ، دها
دوغروسی (آنتی پتر) موقع حکومتی محافظه ایتدی ایسه ده رومالیره تاب
بر برنس دن باشقه برشی دکلادی . آریستوبولوس ک اوغلی (آنتی غونوس)
رایت عصیان قالدی یروب غالیلی (یعنی جلیل - خلیل) خطه سنه یورودی
ایسه ده بوراده (آنتی - پتر) ک کوچوک اوغلی (هرود) طرفندن مغلوب
ایدلی . بولک اوزرینه هرودس یهودیه دیارینه رومالیلر طرفندن والی نصب
اولندی . (آنتی غونوس) طوبلادینی براردو ایله حرباً قدسه مواصلته
شهره کیددی . شهر مخالف فرقه لره چالغایوردی . و بو بوک بایرام ایچین
کلن اها لده مخالف فرقه لردن برنی الزام ایدره ک شورش و مقاتلانی ترید
ایتدیلر . آنتی غونوس طرفدارلری بیت المقدس ضبط ایش ، هیر فانوس

[۱] ژوزه فوس - ۱۳ نجی کتاب